

Powšitkowne WOZJEWJENJA

njedźelu, 8. oktobra 2017

Kemše zaso po starym porjedže

W Róžeńce su wot zašćeje njedžeje, 1. oktobra, Bože mšě zaso po porjedže kaž do lětnjeje přestawki: w 9 hodž. w serbskej a w 10.30 hodž. w němskej rěči.

Dźiwadło a spěw

Serbska lajska dźiwadłowa skupina Chróscicy z.t. wuhotuje zhromadnje z Ralbičanskim chórom Lilija njedźelu, 15. oktobra, w 16 hodž. na Bizoldec žurli w Haslowje pisany program z předstajenjom třoch krótkich scenow a z chórowej hudźbu. Wšitcy su wutrobnje přeprošeni.

Mandželski seminar

Přizjewjenja za přihot na sakrament mandželstwa wot pjatka, do soboty, 1. do 2. decembra, w Smochćicach přijimuju so pisomnje hač do srjedy, 8. nowembra, w Dekanatnym dušepastyrstwe we Worklecach. Formularj k tomu su w cyrkwjach wupožene.

Eksercicije za Serbow

„Póšli swojeho Ducha a wobnowiš wobličo zemje... A tež mje!“ Pod tutym heslom su tež lětsa zaso eksercicije za Serbow w Drježdźanach Wysokich Dubach, wot pjatka, 3. nowembra, wječora hač do njedžeje, 5. nowembra, připołdnu. Wšitcy wěriwi ze serbskich wosadow su přeprošeni, so na tutech dnjach wobdžělic. Přizjewjenja přijimuju so direktnje w Haus HohenEichen Exerzitzenhaus, Dresdner Str. 73, 01326 Dresden, info@haus-hoheneichen.de, telefonowe čisło (03 51) 2 61 64 10 abo w Chróscicach na farje pod telefonowym čislom (03 57 96) 8 04 00.

W Kulowje budže Gospelowy workshop

Wšitcy, kotřiž rady spěwaja a kotrychž gospele zahorja, su pjatk a sobotu, 27. a 28. oktobra, do stareho dwórnišća w Kulowje přeprošeni. Cyrkwinskej hudźbnikaj Carmen a Friedemann Wutzler z Weinböhly chcetaj tež druhich ze swojej zahoritósću za gospelowu hudźbu natyknyc a někotre twórby nazwučować. Tute twórby maja sobotu, 28. oktobra, we 18 hodž. na hudźbnym gospelowym nyšporje w Kulowskej cyrkwi zaklinčec. Swójski přinošk za dorosćenych wučinja 35 eurow, za šulerjow a studentow 10 eurow. Přizjewić móža so zajimcy hač do njedžeje, 22. oktobra, z mailku na carmen.wutzler@gmx.de. Štóz ma prašenja, njech zazwoni na Jenny Pohl w Kulowje pod telefonowym čislom (03 57 25) 9 25 41.

Kurs k přewodženju mrějacych

Nowy přihotowanski kurs k přewodženju čezko chorych a mrějacych přewjedže Hornjołužiski zwjazk Carity klětu wot 7. februara hač do 14. měrca stajnje srjedu wot 17 do 21 hodž. a na sobotomaj wot 9 do 15 hodž. Nadrobniše informacije dóstanu zajimcy w Kamjenskim Domje Carity, Haydnowa 8, telefonowe čisło (0 35 78) 37 43 12.